

ES GLAS WHISKY

A: Rohrer Daniel IPI 00072 97 75 37
C: Chris Stapleton
007702 443 53
T-314068749-2

Nacht für Nacht bin i ghanget a der Bar
U mys Glas isch der einzig Halt, won i ha gha
Du hesch mi grettet vor em Versuuffe
Ertrunke wär i scho lang ohni di

Du tuesch mir guet wi nes Glas Whisky
Du fahrsch mir y wi ne Vodka uf Ys
Du gisch mir so warm wi ne Schluck Cognac
Und Baby, bsoffe wird i nume no ab dir

Was i ha bruucht – han i lang gsuecht
Am Bode vor Fläsche u die isch geng läär gsi
Wo du dys Härz vor mir hesch usgläärt
Han i di trunke Schluck für Schluck

Du tuesch mir guet wi nes Glas Whisky
Du fahrsch mir y wi ne Vodka uf Ys
Du gisch mir so warm wi ne Schluck Cognac
Und Baby, bsoffe wird i nume no ab dir
(2 x)

Du housch mi um wi ne Fläsche Rum
Du fahrsch mir y wi n es Glas tüüre Wy
Du bisch so spitz, wi ne Stämper voll Schnaps
Und Baby, bsoffe ...
gchäppelet ... betrunke ...
flach ... blau ...
gstüberet ... trüeglet ...
voll ...
wird i nume no ab – Dir.